

შპს „როიალ ხვანჭკარა“

ფინანსური ანგარიშგება

2024 წლის 31 დეკემბერს დასრულებული წლისთვის


ფინანსური ანგარიშგება	1
ფინანსური მდგომარეობის ანგარიშგება	3
სრული შემოსავლის ანგარიშგება	4
კაპიტალში ცვლილებების ანგარიშგება	5
1. შესავალი	6
2. კომპანიის საოპერაციო გარემო	6
3. მომზადების საფუძვლები და სააღრიცხვო პოლიტიკის ძირითადი პრინციპები	7
4. მნიშვნელოვანი სააღრიცხვო პოლიტიკა	7
5. მნიშვნელოვანი სააღრიცხვო მსჯელობები, დაშვებები და შეფასებები	11
6. ძირითადი საშუალებები	12
7. არამატერიალური აქტივი	12
8. მარაგი	13
9. სავაჭრო და სხვა მოკლევადიანი მოთხოვნები	13
10. ფული და ფულის ექვივალენტები	13
11. სესხები	14
12. სავაჭრო და სხვა ვალდებულებები	14
13. შემოსავალი	14
14. თვითღირებულების ხარჯი	14
15. საერთო და ადმინისტრაციული ხარჯები	15
16. მიწოდების ხარჯები	15
17. სხვა შემოსავლები	15
18. არასაოპერაციო შემოსავლები/ხარჯები	15
19. მოგების გადასახადი	15
20. პირობები და ვალდებულებები	16
21. დაკავშირებულ მხარეებთან დაკავშირებული ბალანსი და ოპერაციები	16
22. ფინანსური ანგარიშგების დამტკიცება	16

შპს „როიალ ხვანჭკარა“

ფინანსური მდგომარეობის ანგარიშგება

2024 წლის 31 დეკემბერს დასრულებული წლისთვის
(ლარი)

აქტივები	შენიშვნები	31 დეკ 2024	31 დეკ 2023
გრძელვადიანი აქტივები			
ძირითადი საშუალებები	5	2,533,376	2,580,354
საინვესტიციო ქონება	5	320,126	43,572
ინვესტიციები მეკავშირე საწარმოში		-	-
ბიოლოგიური აქტივი	5	737,757	741,163
არამატერიალური აქტივი	5	14,416	18,020
სულ გრძელვადიანი აქტივები		3,605,674	3,383,109
მიმდინარე აქტივები			
ფული და ფულის ექვივალენტები	10	5,871	23,129
სავაჭრო და სხვა მოკლევადიანი მოთხოვნები	12	581,909	582,759
მარაგები	8	1,060,085	1,241,979
სულ მიმდინარე აქტივები		1,647,865	1,847,867
სულ აქტივები		5,253,539	5,230,976
კაპიტალი			
საწესდებო კაპიტალი	-	7,897,154	7,212,693
დაგროვილი ზარალი	-	(5,921,753)	(5,398,286)
გადაფასების რეზერვი	-	2,100,141	2,100,141
სულ კაპიტალი		4,075,542	3,914,549
გრძელვადიანი ვალდებულებები			
გრძელვადიანი სესხები	11	468,605	427,706
სულ გრძელვადიანი ვალდებულებები		468,605	427,706
მიმდინარე ვალდებულებები			
მოკლევადიანი სესხები	11	75,208	283,025
სავაჭრო და სხვა მოკლევადიანი ვალდებულებები	12	490,289	417,470
საგადასახადო ვალდებულებები	-	54,512	12,063
გადასახდელი პროცენტი		89,382	176,163
სულ მიმდინარე ვალდებულებები		709,391	888,721
სულ ვალდებულებები		1,177,996	1,316,427
სულ კაპიტალი და ვალდებულებები		5,253,539	5,230,976

ხელმომწერი პირები: 
eSigned by: გიორგი კორსანტია: 1dbda630-4108-4efb-91ae-....
Certified by Signify

გიორგი კორსანტია - აღმასრულებელი
დირექტორი

24 სექტემბერი, 2025
თბილისი, საქართველო
შენიშვნები 6-16 გვერდებზე წარმოადგენს ამ ფინანსური ანგარიშგებების განუყოფელ ნაწილს.


eSigned by: გიორგი მშვიდობაძე: d5e552cc-ee06-4d80-b6f1-....
Certified by Signify

გიორგი მშვიდობაძე - სამეთვალყურეო
საბჭოს თავმჯდომარე

შპს „როიალ ზვანჭკარა“

სრული შემოსავლის ანგარიშგება

2024 წლის 31 დეკემბერს დასრულებული წლისთვის
(ლარი)

	შენიშვნები	2024	2023
შემოსავალი	13	1,332,283	1,457,151
გაცივებული პროდუქციის თვითღირებულება	14	(726,000)	(850,819)
საერთო მოგება/(ზარალი)		606,283	606,332
სხვა შემოსავლები	16	172,957	108,762
ზოგადი & ადმინისტრაციული ხარჯი	15	(992,144)	(940,756)
მიწოდების დანახარჯები	16	(177,318)	(209,400)
სხვა შემოსულობები/(ზარალი) - წმინდა	17	(12,256)	(3,762)
სხვა ხარჯები	15	(76,374)	(74,214)
საოპერაციო მოგება/(ზარალი)		(478,853)	(513,037)
ფინანსური შემოსავალი	-	-	-
ფინანსური ხარჯი	18	(46,028)	(20,199)
ფინანსური ხარჯი - წმინდა		(46,028)	(20,199)
მოგება დაბეგრამდე		(524,881)	(533,236)
მოგების გადასახადი			
წმინდა მოგება		(524,881)	(533,236)
სხვა სრული შემოსავალი:			
შემოსულობა მიწისა და შენობების გადაფასებიდან,			
გადასახადების გამოკლებით			
მთლიანი სრული შემოსავალი		(524,881)	(533,236)

ხელმოწერილი პირები:

გიორგი კორსანტია - აღმასრულებელი
დირექტორი

გიორგი მშვიდლობაძე - სამეთვალყურეო
საბჭოს თავმჯდომარე

24 სექტემბერი, 2025
თბილისი, საქართველო

შენიშვნები 6-16 გვერდებზე წარმოადგენს ამ ფინანსური ანგარიშგებების განუყოფელ ნაწილს

შპს „როიალ ზვანჭკარა“

კაპიტალში ცვლილებების ანგარიშგება
2024 წლის 31 დეკემბერს დასრულებული წლისთვის
(ლარი)

	საწესდებო კაპიტალი	გადაფასების რეზერვი	გაუნაწილებელი მოგება	მოლიანი კაპიტალი
2023 წლის 31 დეკემბერი	7,206,987	2,100,141	(5,392,579)	3,914,549
წმინდა მოგება	-	-	(524,881)	(524,881)
სხვა სრული შემოსავალი	-	-	1,413	1,413
პერიოდის სრული შემოსავალი	-	-	(523,468)	(523,468)
გაცემული დივიდენდი	-	-	-	-
საწესდებო კაპიტალის ზრდა	684,461	-	-	684,461
2024 წლის 31 დეკემბერი	7,891,448	2,100,141	(5,916,047)	4,075,542

შპს „როიალ ხვანჭკარა“
ფინანსური ანგარიშგების შენიშვნები
2024 წლის დეკემბერი
(ლარი)

1. შესავალი

კომპანია და მისი საქმიანობა

შპს „როიალ ხვანჭკარა“ (შემდგომში „კომპანია“) დაარსდა და დარეგისტრირდა საგადასახადო ორგანოში 2001 წლის 23 იანვარს. ფინანსური ანგარიშგების თარიღისთვის კომპანიის მეწილეები და საბოლოო მაკონტროლებელი მხარეები არიან, შეზღუდული პასუხისმგებლობის კომპანია შპს ხაზარაძე ჰოლდინგ, 404642703(48,675%), ბადრი ჯაფარიძე, 01014001058- 48,675%(წილის მმართველი თამარ ჯაფარიძე), ნენო ბაკურაძე, 01009004547- (1,3%), ზაზა დვალი, 01011007441- (1,35%).

კომპანიის ძირითადი საქმიანობას წარმოადგენს მევენახეობა, ღვინის წარმოება ყურძნისგან და ღვინის რეალიზაცია. კომპანიის სათაო ოფისი მდებარეობს თბილისში, სადგურის მოედანი N2.

კომპანიის იურიდიული მისამართია საქართველო, ამბროლაური, მ.კოსტავას ქ.,13

წარმოდგენილი ანგარიშის ვალუტა

კომპანიის ფუნქციონალურ ვალუტას წარმოადგენს საქართველოს ეროვნული ვალუტა - ქართული ლარი (GEL). ოპერაციები უცხოურ ვალუტაში, თავდაპირველად ჩაიწერება ფუნქციონალურ ვალუტაში ოპერაციის დღისთვის საქართველოს ეროვნული ბანკის მიერ განსაზღვრული კურსით. ანგარიშის პერიოდისთვის უცხოურ ვალუტაში არსებული ფულადი აქტივები გადაიყვანება ფუნქციონალურ ვალუტაში საქართველოს ეროვნული ბანკის მიერ დადგენილი წლის ბოლოს არსებული კურსით. ანგარიშსწორებისას წარმოქმნილი ყველა საკურსო სხვაობა აისახება სრულ შემოსავალზე.

უცხოური ვალუტის მონეტარული ნაშთების კონვერტირებისათვის გამოყენებული გაცვლითი კურსები არის შემდეგი:

	31 დეკ 2024	31 დეკ 2023
1 აშშ დოლარი/ ლარი	2.8068	2.6894
1 ევრო/ლარი	2.9306	2.9753

2. კომპანიის საოპერაციო გარემო

საქართველო ავლენს ზრდადი ბაზრის გარკვეულ მახასიათებლებს, რომელიც შეიცავს ვალუტის არსებობას, რომლის კონვერტაციაც ვერ ხდება თავისუფლად სხვა ქვეყნების უმრავლესობაში, შედარებით მაღალი ინფლაცია და ძლიერი ეკონომიკური ზრდა.

საქართველოს საგადასახადო, სავალუტო და საბაჟო კანონმდებლობა ექვემდებარება განსხვავებულ ინტერპრეტაციებს და ხშირ ცვლილებებს. ამასთანავე საქართველოში მოქმედი კომპანიები დგანან არაერთი გამოწვევის წინაშე, რომელიც გამოწვეულია გაკოტრების კანონების განვითარების საჭიროებით, გირავნობის რეგისტრაციის და აღსრულების ფორმალური პროცედურების არარსებობით და სხვა სამართლებრივი და ფისკალური დაბრკოლებებით. საქართველოს მომავალი ეკონომიკური მიმართულება მნიშვნელოვნად დამოკიდებულია, როგორც მისი მთავრობის მიერ გატარებული ეკონომიკური, ფინანსური და მონეტარულ პოლიტიკაზე, ასევე სამართლებრივ, მარეგულირებელ და პოლიტიკური გარემოზე.

მენეჯმენტს არ შეუძლია სანდოდ შეაფასოს ფინანსური ბაზრის ლიკვიდურობის შემცირების და სავალუტო ბაზრის გაზრდილი არასტაბილურობის გავლენა კომპანიის ფინანსურ მდგომარეობაზე. მენეჯმენტი მიიჩნევს, რომ ისინი იღებენ ყველა საჭირო ზომას, რომ ხელი შეუწყოს კომპანიის მდგრადობას და განვითარებას არსებულ პირობებში.

3. მომზადების საფუძვლები და სააღრიცხვო პოლიტიკის ძირითადი პრინციპები

მომზადების საფუძვლები

წინამდებარე ფინანსური ანგარიშგება მომზადებულია ბუღალტრული აღრიცხვის საერთაშორისო სტანდარტების საბაზის მიერ გამოცემული მცირე და საშუალო საწარმოთა ფინანსური ანგარიშგების სტანდარტის (მსს ფასს) შესაბამისად. იგი წარმოდგენილია ქართულ ლარში, რომელიც წარმოადგენს კომპანიის სამუშაო ვალუტას. მსს ფასს სტანდარტის მიხედვით ფინანსური ანგარიშგების წარდგენა მოითხოვს სამეურნეო ოპერაციებისათვის და მოვლენებისათვის სააღრიცხვო პოლიტიკის შერჩევასა და თანმიმდევრულ გამოყენებას. კომპანიის მიერ მსს ფასს-ის პირველად გამოყენების თარიღი არის 2018 წლის 1 იანვარი. კომპანია ფინანსურ ანგარიშგებას ამზადებს ბუღალტრული აღრიცხვის, ანგარიშგებისა და აუდიტის ზედამხედველობის სამსახურის მიერ გამოცემული სარეკომენდაციო მითითების მიხედვით „მესამე კატეგორიის საწარმოებისთვის და მესამე კატეგორიის ჯგუფებისთვის 2021 წლის ფინანსური ანგარიშგებისთვის მსს ფასს სტანდარტის პირველად გამოყენებასთან დაკავშირებით“ და კომპანიის მიერ წარდგენილი ფინანსური ანგარიშგება მოიცავს ფინანსური მდგომარეობის ანგარიშგებებს 2023 წლის დასაწყისისთვის და დასასრულისთვის, 2023 წლის სრული შემოსავლის და საკუთარი კაპიტალის ცვლილებების ანგარიშგებას და შესაბამის განმარტებით შენიშვნებს. კომპანია არ წარადგენს ფულადი ნაკადების ანგარიშგებას.

ფუნქციონირებადი საწარმო

წინასწარი ფინანსური ანგარიშგება მომზადებულია მენეჯმენტის მიერ ფუნქციონირებადი საწარმოს დაშვებაზე. მენეჯმენტის შეფასებით, კომპანია გააგრძელებს ფუნქციონირებად საწარმოდ საქმიანობას, რეალიზებას გაუკეთებს აქტივებს და დაფარავს ვალდებულებებს ჩვეულებრივი სამეურნეო საქმიანობის პროცესში.

4. მნიშვნელოვანი სააღრიცხვო პოლიტიკა

ფული და ფულის ექვივალენტები

ფული და ფულის ექვივალენტები მოიცავს ნაღდ ფულს და ფულს ბანკში და ატარებს ღირებულების ცვლილების უმნიშვნელო რისკს. ფულადი საშუალებები აღირიცხება ამორტიზირებული ღირებულებით ეფექტური საპროცენტო განაკვეთის გამოყენებით. შეზღუდული ნაშთები გამოირიცხება ფულადი საშუალებებისგან ფულადი ნაკადების ანგარიშგების მიზნებისთვის. შეზღუდული ნაშთები რომელთა გამოყენება არ შეიძლება 12 თვის განმავლობაში ვალდებულებების დასაფარად ან სხვა გაცვლითი ტრანზაქციებში გამოყენებისაგან აღიარდება ბალანსზე როგორც სხვა გრძელვადიანი აქტივები.

სავაჭრო და სხვა მოთხოვნები

სავაჭრო და სხვა მოთხოვნები თავდაპირველად აღიარდება გარიგების ფასით. შემდგომ ხდება მათი შეფასება ამორტიზირებული ღირებულებით ეფექტური საპროცენტო განაკვეთის მეთოდით, გამოკლებული გაუფასურების რეზერვი. გაუფასურების რეზერვი იქმნება მაშინ, როდესაც არსებობს

შპს „როიალ ზვანჭკარა“
ფინანსური ანგარიშგების შენიშვნები
2024 წლის დეკემბერი
(ლარი)

საფუძველი, რომ კომპანია ვერ მიიღებს თავდაპირველი შეთანხმებით განსაზღვრულ შესაბამის თანხას.

ძირითადი საშუალებები

ძირითადი საშუალებები და არამატერიალური აქტივები აღირიცხება მათ თავდაპირველ თვითღირებულებას, დაკლებული დაგროვილი ცვეთა ან/და გაუფასურების ღირებულებით. ძირითადი საშუალების თვითღირებულება შედგება მშენებლობის ხარჯის ან შესყიდვის ფასისგან, მასთან დაკავშირებული იმპორტის გადასახადების, გამოუქვითავი გადასახადების და სხვა პირდაპირი ხარჯების ჩათვლით. ნებისმიერი სავაჭრო ფასდაკლება გამოაკლდება შეყიდვის ან მშენებლობის ფასს.

მცირე შეკეთება-განახლება აღიარდება სრული შემოსავლის ანგარიშგებაში მისი მოხდენისთანავე. ხარჯები დაკავშირებული ძირითადი საშუალებების მნიშვნელოვანი ნაწილის ან კომპონენტების ჩანაცვლებასთან კაპიტალიზირდება და ჩანაცვლებული ნაწილი ჩამოიწერება.

ყველა აქტივი წარმოდგენილია საწყისი ღირებულებით, გამოკლებული დაგროვილი ცვეთა და გაუფასურების ზარალი, ასეთის არსებობის შემთხვევაში.

აქტივის საბალანსო ღირებულება ჩამოიწერება მის აღდგენით ღირებულებამდე მაშინვე, თუ აქტივის საბალანსო ღირებულება აღემატება მის სავარაუდო აღდგენით ღირებულებას.

ძირითადი საშუალებების ჩამოწერა/რეალიზაციიდან მისაღები თანხების საბალანსო ღირებულებასთან შედარებით განსაზღვრული სარგებელი და ზარალი აღიარდება სრული შემოსავალში.

ცვეთა

კომპანია ფლობს მიწას. ცვეთა ძირითად საშუალებებზე გამოითვლება წრფივი მეთოდით, რათა მოხდეს მათი შესყიდვის ხარჯის გადანაწილება მათი სასარგებლო ვადის განმავლობაში:

სასარგებლო გამოყენების ვადა (წელი)	
მანქანა დანადგარები	7
ავეჯი და ინვენტარი	5
სატრანსპორტო საშუალებები	7
შენობა ნაგებობები	16

ნარჩენი ღირებულება არის სავარაუდო ღირებულება, რასაც კომპანია მიიღებდა ამჟამად ძირითადი საშუალების გაყიდვიდან, გაყიდვის ხარჯების გამოკლებით. ძირითადი საშუალებების მოსახურების პერიოდი გადაიხედება ყოველწლიურად და იცვლება საჭიროების შემთხვევაში (მოცემულ გრაფაში ვადა მოცემულია საშუალო მაჩვენებელში, მეტწილად სასარგებლო გამოყენების პერიოდი ინდივიდუალურად განისაზღვრება თითოეულ აქტივზე).

სესხები

სესხები თავდაპირველად აღიარდება გარიგების ფასით (ეს არის ბანკში გადასახდელი ფულის დისკონტირებული ღირებულება რომელიც შეიცავს გარიგების ხარჯსაც). სესხების შემდგომი შეფასება ხდება ამორტიზირებული ღირებულებით. საპროცენტო ხარჯი გამოითვლება ეფექტური საპროცენტო განაკვეთის მეთოდის გამოყენებით და აღიარდება ფინანსურ ხარჯად.

შპს „როიალ ხვანჭკარა“
ფინანსური ანგარიშგების შენიშვნები
2024 წლის დეკემბერი
(ლარი)

სესხები კლასიფიცირდება მიმდინარე ვალდებულებად, იქამდე სანამ, საწარმოს არ გააჩნია ვალდებულებების დაფარვის გადავადების უპირობო უფლება საანგარიშო პერიოდის შემდეგ სულ მცირე 12 თვის განმავლობაში.

სავაჭრო და სხვა ვალდებულებები

სავაჭრო ვალდებულებები წარმოადგენს პროდუქციისა და მომსახურების შესყიდვის შედეგად წარმოქმნილ ვალდებულებას მომწოდებლის წინაშე. კომპანია ვალდებულებას აღიარებს მოკლევადიანად თუ მისი დაფარვა მოსალოდნელია საანგარიშგებო პერიოდის შემდგომ 12 თვის განმავლობაში. სხვა შემთხვევაში ვალდებულება წარსდგება როგორც გრძელვადიანი.

სავაჭრო ვალდებულება თავდაპირველად აღიარდება რეალური ღირებულებით, ფინანსური ვალდებულებები შემდგომ აღიარდება ამორტიზირებული ღირებულებით, ეფექტური საპროცენტო მეთოდის მიხედვით.

იჯარა

იმის განსაზღვრა თუ ხელშეკრულება არის (ან მოიცავს) იჯარას დაფუძნებულია შეთანხმების შინაარსზე. ხელშეკრულება არის, ან მოიცავს იჯარას თუ შეთანხმების შესრულება დაფუძნებულია სპეციფიური აქტივის (ან აქტივების) გამოყენების უფლებაზე, იმ შემთხვევაშიც კი როდესაც ეს აქტივები არ არის აშკარად განსაზღვრული ხელშეკრულების საფუძველზე.

იჯარა კლასიფიცირდება ფინანსურ იჯარად, თუ იგი ითვალისწინებს აქტივის საკუთრებასთან დაკავშირებული ფაქტობრივად ყველა რისკისა და ეკონომიკური სარგებლის გადაცემას. ყველა სხვა შემთხვევაში იჯარა კლასიფიცირდება ჩვეულებრივ (საოპერაციო) იჯარად.

იჯარის ვადის დასაწყისისათვის აქტივის გამოყენებაზე უფლებები და ვალდებულებები ფინანსურ იჯარაზე აღიარებულია ფინანსური მდგომარეობის ანგარიშგებაში, როგორც აქტივები და ვალდებულებები საიჯარო აქტივის რეალური ღირებულების ტოლი თანხით ან, თუ მასზე ნაკლებია, მინიმალური საიჯარო გადასახდელების დღევანდელი ღირებულებით, რომელიც განისაზღვრება იჯარის დასაწყისში.

ვალდებულება მეიჯარის წინაშე ასახულია ფინანსური მდგომარეობის ანგარიშგებაში, როგორც ფინანსური იჯარის ვალდებულება. საიჯარო გადასახდელები ნაწილდება დარიცხულ ფინანსურ ხარჯებსა და დაუფარავი ვალდებულების შემცირებაზე ეფექტური საპროცენტო განაკვეთის მეთოდით. ფინანსური ხარჯი ასახულია სრულ შემოსავალში. ფინანსური იჯარით აღებული აქტივები შესულია ძირითად საშუალებებში და მათ ცვეთა და გაუფასურება ერიცხებათ იგივე გზით, როგორც სხვა ფლობილ აქტივებს. პირობითი საიჯარო გადასახდელები ხარჯად აისახება იმ პერიოდში, როდესაც გაწეული იყო.

კომპანია, როგორც მოიჯარე

საოპერაციო იჯარა განსხვავდება ფინანსურისაგან. საოპერაციო იჯარის გადახდები აღირიცხება შესაბამისი პერიოდის საოპერაციო ხარჯებად სრული შემოსავლის ანგარიშგებაში, წრფივი მეთოდით, იჯარის ვადის განმავლობაში.

შემოსავალი პროდუქციის მიწოდებიდან

შემოსავალი პროდუქციის მიწოდებიდან აღიარდება იმავე პერიოდში როდესაც პროდუქცია ფიზიკურად მიეწოდა მომხმარებელს (დებიტორს). ფასდადგენა ხორციელდება პროდუქციის თვითღირებულების დადგენის შემდეგ, მოგების მარჟის განსაზღვრის შემდგომ.

მოგების გადასახადი

გადასახადები აღიარდება იმ საანგარიშგებო პერიოდში რა პერიოდშიც წარმოიქმნება მავალდებულებელი მოვლენა. მავალდებულებელ მოვლენას წარმოადგენს ქმედება ან ფაქტი, რომელიც საქართველოს საგადასახადო კოდექსით განაპირობებს გადასახადის გადახდას. წინასწარ გადახდილი გადასახადები, რომლიდანაც მოსალოდნელია მომავალში ეკონომიკური სარგებლის მიღება აღიარდება აქტივად.

საქართველოს საგადასახადო კოდექსში განხორციელებული ცვლილებების შედეგად, შეიცვალა კომპანიების დაბეგვრის ადრე არსებული მოდელი, რომელიც ყველა პირისთვის, გარდა გარკვეული გამოწვევებისა (მათ შორისაა კომერციული ბანკები, სადაზღვევო ორგანიზაციები, საკრედიტო კავშირები და სხვა), ძალაში შევიდა 2017 წლის 1 იანვრიდან.

ახალი, ე.წ. “ესტონური”, მოდელის მიხედვით, კომპანიებს აღარ უწევთ მოგების გადასახადის გადახდა მოგებიდან (რომელიც მიღებულია 2017 წლის 1 იანვრიდან) მანამ, სანამ არ მოხდება აღნიშნული მოგების განაწილება დივიდენდების, ან სხვა ფორმით (მანამდე არსებული მოდელის მიხედვით, კომპანიის მოგება 15%-იანი გადასახადით იბეგრებოდა იმის მიუხედავად, ხდებოდა თუ არა წმინდა მოგების დივიდენდის სახით განაწილება).

სასაქონლო მატერიალური ფასეულობები

მარაგების ღირებულება განისაზღვრება უმცირესით ხარჯსა და ნეტო სარეალიზაციო ღირებულებას შორის. მარაგების ღირებულება განისაზღვრება საშუალო შეწონილი მეთოდით. ნეტო სარეალიზაციო ღირებულება განისაზღვრება ნორმალური ბიზნესის მიმდინარეობის პირობებში გასაყიდ ფასსა და დასრულებისა და გაყიდვის მოსალოდნელ ხარჯებს შორის სხვაობით. ყოველ ანგარიშგების დღეს, მარაგები შეფასებულია გაუფასურებისთვის. თუ მარაგები გაუფასურდა, მისი საბალანსო ღირებულება მცირდება მის გასაყიდ ფასს გამოკლებული მისი დასრულებისა და გაყიდვისათვის გამზადების ხარჯი. გაუფასურების ზარალი მაშინვე აღიარდება სრულ შემოსავალში.

სასაქონლო მატერიალური ფასეულობები აღიარდება საშუალო შეწონილი მეთოდით.

წინასწარ გადახდები

წინასწარი გადახდები აღიარდება თვითღირებულებას გამოკლებული გაუფასურების რეზერვით. წინასწარი გადახდა კლასიფიცირება გრძელვადიანად, როდესაც საქონელი ან მომსახურება, რომელიც სავარაუდოდ, მიღებული იქნება ერთი წლის შემდეგ, ან აღნიშნული წინასწარგადახდა უკავშირდება აქტივს, რომელიც თავდაპირველი აღიარებისას თავად კლასიფიცირებული იქნება გრძელვადიან აქტივად. აქტივების შესაძენად განხორციელებული წინასწარი გადახდები გადავა აქტივის საბალანსო ღირებულებაზე მაშინ, როდესაც კომპანია მიიღებს სრულ კონტროლს ამ აქტივზე და მოსალოდნელია ამ აქტივისგან მომავალი ეკონომიკური სარგებლის მიღება.

სხვა წინასწარი გადახდები ჩამოიწერება სრულ შემოსავალში, როდესაც ხდება წინასწარ გადახდებთან დაკავშირებული შესაბამისი საქონლის ან მომსახურების მიღება. თუ არსებობს რაიმე სახის ეჭვი, რომ

ვერ მოხდება საქონლის, მომსახურების თუ ძირითადი საშუალების მიღება, რომლისთვისაც წინასწარ გადახდილია თანხა, ამ შემთხვევაში ხდება აღნიშნული წინასწარგადახდის ჩამოწერა მიმდინარე პერიოდის სრულ შემოსავალზე.

დივიდენდები

დივიდენდები აღირიცხება, როგორც ვალდებულება და აკლდება კაპიტალს იმ პერიოდში, როდესაც მოხდა მათი გამოცხადება და დამტკიცება. ნებისმიერი დივიდენდი, გამოცხადებული საანგარიშგებო პერიოდის შემდგომ და ფინანსური ანგარიშგების დამტკიცებამდე, გამჟღავნდება შემდგომი პერიოდის მოვლენების შენიშვნაში.

პერსონალის ხარჯი და მასთან დაკავშირებული შენატანები

ხელფასები, შენატანები საქართველოს საპენსიო და სადაზღვეო სისტემაში, წლიური შეგებულების და ავადმყოფობის ანაზღაურებები, ბონუსები და არა-ფულადი სარგებლები აღირიცხება იმ წელს, როდესაც მოხდება შესამაბისი სერვისის მიღება თანამშრომლების მიერ.

5. მნიშვნელოვანი სააღრიცხვო მსჯელობები, დაშვებები და შეფასებები

კომპანიის ფინანსური ანგარიშგებების მომზადება მოითხოვს მენეჯმენტის მხრიდან გარკვეული შეფასებების და დაშვებების გაკეთებას, რომელიც გავლენას ახდენს მოგების, ხარჯების, აქტივების და ვალდებულებების ღირებულებაზე და მათ შესაბამის შენიშვნებზე და პირობითი ვალდებულების შენიშვნაზე. უზუსტობამ აღნიშნულ შეფასებებში და დაშვებებში შესაძლოა გამოიწვიოს ისეთი შედეგი, რომელიც საჭიროს გახდის აქტივის საბალანსო ღირებულების მატერიალურ კორექტირებას ან გავლენას მოახდენს ვალდებულებას მომავალ პერიოდში.

საგადასახადო კანონმდებლობა

საქართველოს საგადასახადო კოდექსი და საბაჟო კანონმდებლობა ექვემდებარება განსხვავებულ ინტერპრეტაციებს.

ძირითადი საშუალებების გამოყენების ხანგრძლივობა

კომპანია აკეთებს ძირითადი საშუალებების გამოყენების ხანგრძლივობის შეფასებას, სხვადასხვა ფაქტორების გათვალისწინებით, როგორებიცაა: ტექნიკური ან კომერციული მოძველება, მოსალოდნელი წარმადობა, სიმძლავრე და ფიზიკური მდგომარეობა, რაც დამოკიდებულია ოპერაციულ ფაქტორებზე. მიუხედავად იმისა, რომ ხელმძღვანელობა ცდილობს მაქსიმალურად ზუსტად შეაფასოს ძირითადი საშუალებით გამოსახული მომავალი ეკონომიკური სარგებლის მოხმარების მოდელი, ის შეიძლება მნიშვნელოვნად განსხვავდებოდეს რეალური შედეგებისგან, რამაც შესაძლოა მატერიალური გავლენა იქონიოს ფინანსურ ანგარიშგებებში წარმოდგენილ მონაცემებზე.

შპს „როიალ ზვანჭკარა“
ფინანსური ანგარიშგების შენიშვნები
2024 წლის დეკემბერი
(ლარი)

6. ძირითადი საშუალებები

	მანქანა- დანადგარები	ოფისის აღჭურვილობა და ავეჯი	სატრანსპორტო საშუალებები	შენობა ნაგებობები	მიწა	ჯამი
31 დეკემბერი 2023	603,654	118,353	140,697	941,648	1,562,358	3,366,710
შემოსვლა	40,468	254	5,717	220,097	-	266,537
გასვლა	(29,374)	-	(11,225)	(192,593)	-	(233,192)
31 დეკემბერი 2024	614,748	118,607	135,189	969,152	1,562,358	3,400,055
ცვეთა და გაუფასურება						
31 დეკემბერი 2023	(319,375)	(104,788)	(115,368)	(246,842)	-	(786,355)
პერიოდის ცვეთა	(62,912)	(3,644)	(8,080)	(35,061)	-	(109,697)
გაუფასურება						-
გასვლა	29,374	-	-	-	-	29,374
31 დეკემბერი 2024	(352,895)	(108,433)	(123,447)	(281,903)	-	(866,678)
წმინდა საბალანსო						
ღირებულება						
31 დეკემბერი 2023	284,297	13,565	25,329	694,806	1,562,358	2,580,355
31 დეკემბერი 2024	261,853	10,171	11,741	687,249	1,562,358	2,533,376

7. არამატერიალური აქტივი

ისტორიული ღირებულება	არამატერიალური აქტივები	სულ
31 დეკემბერი 2023	64,540	64,540
შემოსვლა	0	0
გასვლა	0	0
31 დეკემბერი 2024	64,540	64,540
ცვეთა და გაუფასურება		
31 დეკემბერი 2023	-46,520	-46,520
პერიოდის ცვეთა	-3,604	-3,604
გაუფასურება	0	0
გასვლა	0	0
31 დეკემბერი 2024	-50,124	-50,124
წმინდა საბალანსო ღირებულება		
31 დეკემბერი 2023	18,020	18,020
31 დეკემბერი 2024	14,416	14,416

ბიოლოგიური აქტივები

გარდა ზემოთ ხსენებული გრძელვადიანი აქტივებისა საწარმო ფლობს ბიოლოგიურ აქტივებს (ვენახებს), რომელსაც აღიარებს თვითღირებულების მოდელით.

საწარმო ფლობს 13 ჰექტარ მიწის ნაკვეთზე გაშენებულ ვენახებს, სხვადასხვა ჯიშის ყურძნის მოსაყვანად, მათ შორის: ალექსანდროული, მუჯურეთული, საფერავი, თეთრა და ოჯალეში.

შპს „როიალ ზვანჭკარა“
ფინანსური ანგარიშგების შენიშვნები
2024 წლის დეკემბერი
(ლარი)

საწარმოსთვის ანგარიშგების მომზადების მომენტისთვის არ გააჩნდა არანაირი ბერკეტი დროულად და საიმედოდ შეეფასებინა მის ხელთ არსებული ვენახების რეალური ღირებულება, სწორედ ამიტომ იგი იყენებს თვითღირებულების მოდელს.

საწარმოს მფლობელობაში არსებული ვენახებს ცვითავს წრფივი მეთოდით და მათი სიცოცხლის უნარიანობა (ნაყოფის სრულყოფილი მიღებისთვის) განსაზღვრულია 45 წლით.

საწარმოს საკუთრებაში არსებული ბიოლოგიური აქტივების ღირებულება პერიოდის დასაწყისისთვის წარმოადგენდა 741,163 ლარს, წლის განმავლობაში დაერიცხა 15,226 ლარის ცვეთა, დაკაპიტალიზდა 12,156 ლარი, პერიოდის ბოლოსთვის მისი საბალანსო ღირებულება განისაზღვრა 737,757 ლარით.

საინვესტიციო ქონება

კომპანია ასევე ფლობს რაჭის რეგიონში 1 საინვესტიციო ქონებას (შენობას).

საინვესტიციო ქონება	01 იან 2024
საწყისი ნაშთი	43,572
საინვესტიციო ქონების შემოსვლა პერიოდის განმავლობაში	-
საინვესტიციო ქონების გასვლა პერიოდის ბოლოს	
სხვა ცვლილება საინვესტიციო ქონებაში	276,554
საინვესტიციო ქონება პერიოდის ბოლოს	320,125

8. მარაგი

	31 დეკ 24
მზა პროდუქცია	112,263
სხვა სასაქონლო მატერიალური მარაგი	947,822
მარაგი	1,060,085

9. სავაჭრო და სხვა მოკლევადიანი მოთხოვნები

სავაჭრო და სხვა მოთხოვნები	31 დეკ 24
სავაჭრო მოთხოვნები	575,444
გაცემული ავანსები	6,465
სავაჭრო და სხვა მოთხოვნები	581,909

10. ფული და ფულის ექვივალენტები

ფული და ფულის ექვივალენტები	31 დეკ 24
თანხა ბანკში	4,675
თანხა სალაროში	1,196
სულ ფული და ფულის ექვივალენტები	5,871

შპს „როიალ ზვანჭკარა“
ფინანსური ანგარიშგების შენიშვნები
2024 წლის დეკემბერი
(ლარი)

11. სესხები

სესხები	31/12/24
გრძელვადიანი სესხი 13% (საქართველოს ბანკი)	160,000
მოკლევადიანი სესხი 13.5% (საქართველოს ბანკი)	75,208
დაკავშირებული კომპანიებისგან მიღებული სესხი	115,000
დამფუძნებლისგან მიღებული სესხი	193,605
სულ	543,812

სს საქართველოს ბანკის სესხი არის თანადაფინანსებული სახელმწიფოს მიერ (13% და 13,5%) შესაბამისად კომპანიის ხარჯი არის არა არსებითი.
ზემოთ მოცემული სესხები წარმოდგენილია ეროვნული ბანკის მიერ გამოცხადებული ზემოთ მოცემული კურსის ექვივალენტით ლარში.

12. სავაჭრო და სხვა ვალდებულებები

სავაჭრო და სხვა ვალდებულებები	31 დეკ 2024
სავაჭრო ვალდებულებები	478,256
სახელფასო ვალდებულებები	12,033
სულ სავაჭრო და სხვა ვალდებულება	490,289

აღნიშნული ვალდებულებების ვადები და პირობები:

- სავაჭრო ვალდებულებებს არ ერიცხებათ პროცენტი და მათი დაფარვა ხდება ყოველთვიურად ფინანსური წლის განმავლობაში;
- გადასახდელ ხელფასებსა და სხვა ვალდებულებებს არ ერიცხებათ პროცენტები და ჩვეულებრივ მათი დაფარვა ხდება 1 თვის ვადაში.

13. შემოსავალი

შემოსავალი	2024
შემოსავალი პროდუქციის მიწოდებიდან	1,308,405
სხვა შემოსავალი	23,878
სულ შემოსავალი	1,332,283

14. თვითღირებულების ხარჯი

თვითღირებულების ხარჯი	2024
მასალის ხარჯი	(726,000)
სულ თვითღირებულება	(726,000)

- კომპანია პროდუქციის წარმოებასთან დაკავშირებულ ყველა ხარჯს აკაპიტალიზირებს და შემდგომში ანაწილებს მის პროდუქციის თვითღირებულებაზე, შესაბამისად ყველა მასთან დაკავშირებული ხარჯი ჩამოიწერება მზა პროდუქციის თვითღირებულების სახით (მათ შორის საწარმოო: ცვეთა, მომსახურებები და შრომის ანაზღაურება)

15. საერთო და ადმინისტრაციული ხარჯები

საერთო და ადმინისტრაციული ხარჯები	2024
შრომის ანაზღაურება	(600,248)
მივლინების ხარჯები	(2,321)
სხვა ხარჯი	(349,180)
შხამქიმიკატები და ვენახის მოვლის ხარჯი	(30,161)
საწვავი	(31,426)
ტრანსპორტირების ხარჯი	(24,180)
იჯარის ხარჯი	(58,228)
ოფისის ხარჯი	(3,056)
კომუნალური ხარჯები	(4,059)
კომუნიკაციის ხარჯები	(15,381)
დაზღვევის ხარჯი	(16,184)
მომსახურების ხარჯები	(34,538)
საკონსულტაციო მომსახურების ხარჯი	(500)
სულ საერთო და ადმინისტრაციული ხარჯები	(1,169,463)

16. მიწოდების ხარჯები

მარკეტინგული ხარჯი	(139,729)
მიწოდების სხვა ხარჯი	(13,409)
ტრანსპორტირების და შენახვის ხარჯები	(24,180)
სულ	(177,318)

17. სხვა შემოსავლები

კომპანიას 2024 წელს ქონდა რთველიდან მიღებული ყურძენი 108,690 ლარი ღირებულების, რომელიც შემოსავლად აღიარდება და საიჯარო შემოსავალი 88,145 ლარი, ჯამში 172,957 ლარი.

18. არასაოპერაციო შემოსავლები/ხარჯები

არასაოპერაციო შემოსავალი/ხარჯები შედგება ძირითადი საშუალების რეალიზაციიდან მიღებული ნამეტით/ზარალით და კურსთა შორის სხვაობებით გამოწვეული ნამეტით/ზარალით

19. მოგების გადასახადი

კომპანიას დაფუძნებიდან 2024 წლის დასრულებულ პერიოდამდე არ დაუფიქსირებია მოგება, იგი საოპერაციო და საინვესტიციო დანახარჯებს ნაწილობრივ შემოსავლიდან ფარავს ნაწილობრივ კი დამფუძნებელთა კაპიტალიდან, შესაბამისად კომპანიის დღის წესრიგში არ დამდგარა მოგების გადასახადის გადახდა.

20. პირობები და ვალდებულებები

კომპანიის ხელმძღვანელობა საკუთარი შეფასებისა და შიდა პროფესიული რჩევების საფუძველზე მიიჩნევს, რომ მატერიალურ დანაკარგებს არ ქონია ადგილი და შესაბამისად ფინანსურ ანგარიშგებაში არ აღნიშნულა არავითარი დებულება ამასთან დაკავშირებით.

საგადასახადო კანონმდებლობა

საქართველოს საგადასახადო და საბაჟო კანონმდებლობა ექვემდებარება განსხვავებულ ინტერპრეტაციებსა და ცვლილებებს, რასაც ადგილი შეიძლება ჰქონდეს კომპანიის მენეჯმენტის მიერ განხორციელებული ასეთი ინტერპრეტაცია შესაძლებელია შესაბამისი ორგანოების მიერ ეჭვქვეშ იქნას დაყენებული. საქართველოს საგადასახადო ორგანოებმა კანონმდებლობისა და საგადასახადო შემოწმების ინტერპრეტაციაში შესაძლებელია უფრო დახვეწილი და საიმედო მიდგომა განხორციელონ და შესაძლებელია რომ ისეთი საქმიანობის და გარიგების სახეები იქნას გამოწვეული, როგორცაც წარსულში არ ქონია ადგილი. შედეგად შეიძლება შეფასდეს მნიშვნელოვანი დამატებითი გადასახადები, ჯარიმები და ინტერესი.

მენეჯმენტი მიიჩნევს, რომ მისი ინტერპრეტაცია შესაბამისია კანონმდებლობასთან და კომპანიის საგადასახადო, სავალუტო კანონმდებლობა და საბაჟო პოზიციები შენარჩუნებული იქნება. შესაბამისად, 2024 წლის 31 დეკემბრის მდგომარეობით პოტენციური საგადასახადო ვალდებულების არსებობა არ დაფიქსირებულია.

საინვესტიციო ვალდებულებები

კომპანია საინვესტიციო ვალდებულებით არ ფლობს არანაირ ქონებას.

21. დაკავშირებულ მხარეებთან დაკავშირებული ბალანსი და ოპერაციები

მოცემული ანგარიშგებების მიზნებისთვის კომპანიას არ გააჩნია არსებითი ოპერაციები დაკავშირებული მხარეებთან.

22. ფინანსური ანგარიშგების დამტკიცება

აღნიშნული ფინანსური ანგარიშგება დამტკიცებულია და გამოსაცემად ნებადართულია მენეჯმენტის მიერ 2025 წლის 24 სექტემბერს.